



Qanigisaaneq

Qanigisaaneq

Inuit ilaannut puigortunngornerup suussusersineqarnera tupannarsinnaavoq, allanullu qanigisap allangorneranut nassuaatissarsineq oqiliallaataasinnaalluni.

Qanigisap puigortunngorluni allangornerani misigissutsit unammilligassallu amerlasuut oqimaassinnaapput. Piareersimaffiginnisat qanigisatut misigineqarsinnaapput, tamatumalu peqatigisaanik nappaammik suussusersineq siunissamut ernumalersitsisinnaalluni.

Uani qanigisatut inuuninni iluaqtigisinnaasannik paasissutissinnejassaatit.

Puigortunngortoq ulluinnaallu

Tapersersuinissamut ikuunnissamullu tunngatillugu pingaarutilimmik inissisimanerit, puigortunngortumut qanigisatut misigissavat. Immaqa angerlarsimaffimmi suliassat annertunerit isumagisalissavatit. Naammagittassutsikkut misilitsinnerusinnaavoq, immaqalu oqaloqatigiinnissinni paatsooqatigiittarsinnaallusi.

Puigortunngornerup ajorsiartornera peqatigalugu, marluullusi ikorneqarnissaq pisariaqalissaaq. Taakku tassaasinnaapput angerlarsimaffimmi ikorneqarneq imaluunniit sammisassanut neqeroorutit, aammali tassaasinnaalluni illit puigortunngortumut qanigisatut pitsaanerusumik attaveqaqatigiinnissamut ikorneqarneq. Illit kommunerisanni puigortunngorermik naappaammut atatillugu qanoq ikiusoqarsinnaanersoq misissorsinnaavat.

Imminut puigoqinak

Pingaarnersiuinissaq ajornakusoorsinnaagaluartoq, imminut paarinissaq pingaaruteqarpoq. Pingaartumik puigortunngortumut qanigisatut tapersersuinissannut illillu nammineq ulluinnaat ajunngitsumik ingerlasinnaaqquillugu, nukissaqartuarsinnaanissat ulluinnarni nuannaalersitsillunilu nukissanik tunisisussamik qasuersaarfearfarnissat, pingaaruteqarpoq.

Kommunit imaluunniit kommunimi puigortunngortunut ataqtigissaarisoqarpat attavigiuk ilinnullu aaqqiissutaasinnaasoq pitsaasoq suunersoq paasiniarlugu. Qanigisat amerlasuut, pissutsit qanoq innerat pillugu ikinngutinut ilaqtutanullu ammasuunerup iluaqutaanera misilittagaqarfigaat aamma pingaaruteqarpoq taakkunannga ikorneqarnissamik qinnuteqarsinnaaneq. Tamatuma kingunerisaanik, puigortunngortup suna pillugu allangornera paasilluarsinnaanerulersarpaat. Taakku aamma illit paasilluarsinnaanerulissavaatsit pisariaqartitannillu tapersersorsinnaassallutit.

Siunissamut piareersarit

Aappariinnissinni ilaqtariinnilu inissisimaffissi ataqtiginnissiluunniit allangornerat misigissavat. Puigortunngortumut, soorlu aningasaqarnermut inuttullu namminermut tunngasunik, nammineq isumaginnissinnaaneraneranik ajornartorsiuteqarneq annertusiartuinnassaaq. Taamaattumik siusissukkut, illit qanigisat puigortunngortoq isummersinnaatillugu aamma nammineq siunissamut kissaatiminik oqaatiginnissinnaatillugu, suut pingaaruteqarsinnaanerannik paasiniaanissat isumassarsiatsialaavoq.





Qanigisaaneq

Pisinnaatitsissut akisussaasuunerlu

18-ileereertut tamarmik silaminnik silallit, pisinnaatitsissummik atsiorsinnaapput. Tamanna inuit namminneq soqtigisaminnik isumaginnissinnaajunnaarlutik puigortunngornermik eqqugaasut, ilisimannngitsut tarnikkulluunnit allaassuteqartut, pisinnaatitsissusiorsinnaannginnerannik isumaqarpoq. Taamaattoqartillugu akisussaasoqarneq pisariaqassaaq. Akisussaasoqarneq, puigortunngortumut, nappaanni pissutigalugu nammineq aalajangiisinnaanngitsumut, inummik allamik aningaasanut aamma/imaluunniit inummut namminermut tunngasunut isumaginnittussamik toqqaanikkut, aaqqissuuussineruvooq. Akisussaasumik nammineq noqqaasoqarsinnaavoq, akisussaasoqarnissamullu kommunimit ikorsiisoqarsinnaalluni.

